



Val' iade é le tru ert



Val' iade é le tru de nosta vita ert y sfadius.

Mo Gejú nes é jü danfora cösc tru. Ince el á albü momonc de tema, mo al cialfá la forza da jí ennant tla fidonza y tal arbandonn al Pere.

Al nes á salvé con sôa pasciun y mort y nes á ensciö fat capí che la soferonza n'é nia por nia.

Al conesc nosta fadia y nes sta dlungia.

Al nes damana vigne de da ti jí do a d'el, da combater cuntra la tema y la comodité, ch'i se prounse vigne de, vigne ora, da jí en vare ennant.

Al nes damana ch'i ne stunse mai chic deschi esson belo arjunt le travert, mo da odei ete ci tru lunch ch'i án ciamó dan da nos, tan debojügn ch'i án ciamó da chirí, da müde, da cresce, da oje nosc cör tres deplü cuntra le ben.

Gejú, i te periun, ví con nos sôle tru de nosta vita, tla ligreza y tal dolor.

da parores por vigni momënt



Vita de ploania y de paisc

- **La Joneza** envieia en **dedemesaledema ai 11 de merz** ales 20:00 te local dla Joneza a na encuntada por empare da fá le grop dal carabatl.



Enformaziuns y termins

Oraziun a Oies: la proscima ora d'oraziun gnará tegnida en vendres, ai 13 de merz ales 20:00 te stôa dla ciasa de nosc Sant a Oies. Düc é bel enviés.

Curs de formaziun abilitant por insegnanc/antes de religiun tla scora elementara: le curs é preodü por porsones co é belo tal monn dal laur, co á ligreza da se dé jö con mitans y mituns y á enteres por domandes religiosas, teologiches y etiches. Al met man d'agost 2026 y vá cina de ma 2029, da dui a trei iadi al mens le vendres domisdé (la maiú pert online) y la sabeda döt le de en presenza a Porsenü tla „Philosophisch-Theologische Hochschule“. Anunziesse preibel cina ai 15 de merz. Deplü enformaziuns sot a: <https://www.pthsta.it/studium/religionsunterricht-in-grundschule>.

Döt le bun a:	Erica Maria Trebo, <i>Balsan</i>	* 08.03.1945
	Clara Pitscheider Ellecosta	* 09.03.1946
	Edoard Ellecosta	* 09.03.1951
	Hilda Kastlunger, <i>Wiesen/Pfitsch</i>	* 12.03.1942
	Erica Teresa Rigo Gostner, <i>Balsan</i>	* 12.03.1942
	Lorenz Willeit	* 14.03.1939
	Angela Trebo, <i>Bornech</i>	* 14.03.1939
	Metilde Willeit Kaiser, <i>Luttach</i>	* 14.03.1940
	y a düc chi co á santennom y compless i agn cöst'edema	

Impressum: Ploania d'La Pli; redaziun Franz Rigo, Roman Frontull
Comunicaziuns: cina le **dedemesaledema** sera a Franz Rigo, ☎ 347 2310129 o ✉ ploania@gmx.net
Download plata: www.unitepastorala.org




Plata dla Ploania La Pli de Mareo Santa Maria dal Bun Consei

Ploian: Signor Klaus Sottsas
✉ klsottsas@rolmail.net

Calogna Al Plan: ☎ 0474 501006
Radio de Ploania: 93,00 MhZ

UNITÉ PASTORALA



VAL BADIA
www.unitepastorala.org

Ann A

08.03.2026 - Terza domegna de Carsema

n. 15

L'ega via


📖 **Es 17, 3–7 | Rom 5, 1–2.5–8 | Jan 4, 5–42**

Le tomp de Carsema ea plü dadío ince le tomp de preparaziun al bato. Porchel vegnel ince tles letôres nominé l'ega co para la sei d'anima y co é simbol de vita y dal amur de Chel Bel Dio. Ensciö ti scinca Chel Bel Dio al popul tal desert l'ega co vá debojügn por vire (1ª letôra). L'amur de Dio - ensciö dij san Paul te sôa letera ai Romans - nes é gnü sonté ete te nosc cör dal Spirit Sant (2ª letôra). L'ega co nes scinca la vita eterna é Gejú enstes co se presenteia ala samaritana desco Salvatur dal monn (vangelo).

da "Bibia di Sandís"

Dal Vangelo do San Jan:

[...] ⁷Dertan êl gnü na era samaritana a ciarié fora ega. Gejú ti á dit: Dámo da bere! ⁸Sü discepuí ea jüs tla ciüté a cumpré val' da mangé. ⁹La era samaritana ti á dit a Gejú: Cò poste pa tō desco iüda perié me, na samaritana, do ega? I iüdes ne n'á pordert degüna conferta con i samaritans. ¹⁰Gejú ti á respognü: Sce te sess, te ci ch'al stá la scincunda de Dio, y che ch'al é chel co te dij: Damo da bere!, spo l'ésste tō perié, y al t'ess dé ega via. ¹¹Ara ti á dit: Signur, te n'as degüna massaria y le poz é sot; da olá aste pa spo l'ega via? ¹²Este pa tō maiú co nosc pere lácob, co nes á dé cösc poz y co á enstes boü denfora, desco ince sü fis y sü pastorec? ¹³Gejú ti á respognü: Chel co ber de cösta ega, cialfará endô sei; ¹⁴mo chel co boará de che ega che iu ti dará, n'ará mai plü sei; deplü, l'ega che iu ti dará deventará te el na fontana d'ega co sprinza por la vita eterna. ¹⁵Sen á dit la era a Gejú: Signur, damo de cöst'ega, ch'i ne n'áis nia plü sei y n'áis nia plü bria da gní atló adalerch a ciarié fora ega. [...]



**Chel co ber de cösta ega,
cialfará endô sei
Jan 4, 13**

📖 **Letôres dla Cuarta domegna de Carsema "Laetare":**
1 Sam 16, 1b.6–7.10–13b | Ef 5, 8–14 | Jan 9, 1–41

Edema liturgica dai 08.03. ai 15.03.2026		
DOM 08.	Terza domegna de Carsema De dla solidarieté	Jan de Dio, Georg Michael
08:15	gran messa por dōta la ploania → oferta por le patronat ALCI-KVW	
	s.m. por vis y †† dla fam. Fischnaller, Pliscia	
	s.m. d'aniversar por † Monica Peslalz Rabbú	
	s.m. por †† Iudita Elliscases, Sandro y Clementina Winkler	
10:00	gran messa a Al Plan	
Lön 09.	Bruno da Querfurt, Franzisca	
19:00	s.m. por fam. Tone y Margareth Palfrader, Majun	
	s.m. d'aniversar por † Florian Terza, André	
	s.m. por † Tone Kehrer, Costamesana	
Ded 10.	I 40 martirs, Gustav, Milio	
07:30	s.m. a Antermeia	
Dem 11.	Rosina, Ulrich	
Jöb 12.	Gregor, Beatrix	
07:30	s.m. a Rina	
Ven 13.	Iudith, Paulina, Leander	
07:30	s.m. a Al Plan	
→ 19:00	Les Staziuns con la Jonëza	
Sab 14.	Metilde, Gottfried K.	
07:30	s.m. por vis y †† d'Ansele	
	s.m. por vis y †† dla fam. Ellecosta, Sartú	
	s.m. por † Anna Pedevilla, de Terza	
18:00	s.m. prefestia a Al Plan	
DOM 15.	Cuarta domegna de Carsema "Laetare" De dal Seminar	Klemens Maria Hofbauer, Lucrezia, Loise
08:15	gran messa por dōta la ploania → oferta por le Kassian-Tschiederer-Werk	
	s.m. do entenziun en onú de Santa Maria	
	s.m. por † Vittoria Trebo Rovara, Peraforada	
	s.m. por †† Paul Pedevilla y Jep Lanz	
10:00	gran messa a Al Plan	
ampola:	por düc i defonti	
ministronc:	• lönesc y sabeda: Clara y Lena • domegna: Paul P. y Lucrezia, Tobias y Damian	
i recordun:	Angela Erlacher ved. Terrabona, Al Plan	† 08.03.2018
	Florian Terza	† 08.03.2020
	Monica Peslalz Rabbú, Genova	† 09.03.2022
	Anna Erardi ved. Zunino, Pietra Ligure	† 09.03.2023
	Elisabeth Erlacher ved. Rubatscher, Antermeia	† 10.03.2024



N'atra ega, n'atra vita, ... n'atra storia (Jan 4, 5–42)

I ponsi do

En toch afascinant co desmostra desche Gejú sá da encunté y baié al cör dles porsones.
La era se lascia trá ete da sôa parora de verité y d'amur. L'ega de Gejú ne se rôa mai, por nos éra ince encô ciamá fresca y via. Tres era sunse gnüs fis de Dio tal Bato. La parora de Gejú renoveia le cör, i sacramonc dá vita, so amur fej nasce speranza.

I preii ensciö

T'es stanch y sfíní, caro Gejú, mo tö portes ennant töa misciun: ince le momont de palsa é por té ocasiun da desmostré tan bun che te i ós al'umanité. Y cösta encunteste te na era co ven da en post forest y desprijé, ôna co á fat püch de bun y é stada maridada ben cin' iadi. Al foss gaujes assá por dí ala era ch'ara stai dalunc da te, ch'ara ne proi gnanca da baié te baié ados. Mo tö la provocheies y dijes ch'ara dess te dé da bere. T'as sogü ince sei, mo tö ós la fá capí che tö as n'atra ega, n'atra vita, n'atra storia. Con fadia y timur te conescera, crei te té y ara ven testimone de töa verité. Gejú, la jont co te chir te ciafa pa ben, mo i te preii, fá che ince chi co ne te chir nia ciafi enzaí sön cösc monn en vestí olá che t'es sonté y aspetes. Y danló te encuntarái, ai aldiará töa parora co dá fede y boará de che ega co scinca vita eterna.

I comandamonc cuntés ai mituns (8)



6° comandamont: Te ne dess nia rumper le matrimone

Encô empormetü y endoman nia mantegní? M'este fedel? Pói mo tralascé sön te? La fedelté val por i matrimoni, por les amicizies y endlunch olache porsones vir deboriada. I se lasciun enniert taché. I orun ma ester atló por i atri canche ara se bûta. Da mantegní plü dio na empormetüda se stontunse. Tal medemo momont se dejidrunse enstesc fedelté y che i podunse se tralascé sön i atri. Chel co iera fedelté da d'atri mess enstes ester fedel.

Fedelté ó dí responsabilité

La fedelté é en vare adencuntra a na vita encontonta. Fedelté pó orei dí: mantegní na empormetüda, ince sc'al n'é nia dagnora saorí. Fedelté ó dí sté ete por nosta responsabilité – por la jont, por les cosses, por nüsc doveis. I orun ciaré de ci co s'é gnü afidé. Che i atri poi se tralascé sön nos. Che i chiriuense reconziliaziun tal strit. Che i sunse bogn da confidé, ince sce al cresc te nos l'envidia. Sce i tignun adöm tla fedelté, spo fajunse na vita co ti plej a Chelbeldio y co se fej bun a nos.



Bibia por mituns

domegna	letöra	Bibia por mituns	
15.03.	1. letöra	1 Sámuel 16, 1b.6–7.10–13b	Davide, pl. 110